



2. Tschanteda da la suprastanza cumünela in mardi, ils 2.2.2016 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi, Jnes Barblan, Liun Quadri

Absaints:

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 7.500 Prelevaziun da gerra Punt dal Fuorn, decisiun d'inoltrer nouva dumanda al departamaint chantunel d'educaziun, cultura e protecziun da la natüra
4. 0.212 Decisiun augmoint dal pensum per la mnedra da scoula
5. 0.212 Tscherna prüm lavuraint e respunsabel per giarsuns gruppa forestela
6. 8.300 Concept per innaiver las loipas S-chanf-Zuoz, decisiun d'incumbenzer da fer ils plans da basa, surdeda da lavuors d'indschegner
7. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 13.01.2016 vain approvo unanimamaing.

6 0.210 Annunzchas da fabrica

Dragonhorse-Holsana GmbH parcelas nr. 375 percours per trer cun
373 balaisters

7 7.500 Flüms ed ovels Prelevaziun da gerra Punt dal Fuorn, decisiun d'inoltrer nouva dumanda al departamaint chantunel d'educaziun, cultura e protecziun da la natüra

La suprastanza piglia cugnuschentscha da la dumanda da la firma Angelini SA per pudair prelever eir in avegnir gerra our da la Val Varusch in Punt dal Fuorn. Il permiss dal departamaint d'educaziun, cultura e protecziun da la natüra da l'an 2005 es limito fin ils

31.12.2015. Aunz cu conceder nouvs permiss per prelever gerra, es d'inoltrer üna nouva dumanda a las instanzas chantunelas. Per quel intent es da preparar üna dumanda da fabrica BAB. Zieva cuorta discussiun decida la suprastanza unanimamaing d'incumbenzer a l'uffizi da fabrica da preparar ed inoltrer üna dumanda al departamaint chantunel. Cur chi'd es avaunt maun il permiss, dess gnir tratteda la dumanda da la firma Angelini SA.

8 0.212 Persunel
Decisiun augmoint dal pensum per la mnedra da scoula

La piazza da la mnedra da scoula es daspö 1 an in funcziun e d'uraunt quel temp s'ho pudieu constater, cha d'üna vart vain do considerabelmaing dis-charg al cussagl da scoula e da l'otra vart vegnan tiers adüna dapü lezchas, chi vegnan pretaisas dal chantun. Il cussagl da scoula fo la proposta, d'augmanter il pensum da la mnedra da scoula a partir da dalum da 20% sün 25%. Zieva animeda discussiun decida la suprastanza cun 4 cunter 0 vuschs d'uzer il pensum a partir da dalum sün 25%, però quist augmoint dal pensum dess esser l'ultim. Gian Andrea Bott s'ho absanto per quista tractanda.

9 0.212 Persunel
Tscherna prüm lavuraint e responsabel per giarsuns gruppa forestela

Daspö ün an s'ho adüna darcho publiccho la piazza libra per ün prüm lavuraint e responsabel per giarsuns. Sün l'ultima publicaziun da la piazza libra sun entredas 2 annunzchas. Zieva chi ho gieu lö ün'evaluaziun da las annunzchas e zieva chi haun gieu lö ils discuors da preschantaziun decida la suprastanza unanimamaing, sün proposta dal silvicultur, da tscherner a Severin Stuppan da Ftan scu nouv collavuratur. El cumainza sieu impieghi ils 01.08.2016.

10 8.300 Turissem e cura
Concept per innaiver las loipas S-chanf-Zuoz, decisiun d'incumbenzer da fer ils plans da basa, surdeda da lavuors d'indschegner

Las Ouvres Electricas prevezzan insembel cun la Swissgrid d'alluntaner las lingias d'electricited da 60 kv da Pradella fin La Punt al liber e da metter quellas suot terra. Il trajet da la lingia suotterrauna es previsa da la Punt da Torno fin Zuoz per granda part lung la loipa. Siand cha'ls ultims invierns es gnida la naiv fich tard u scu quist an ün inviern cun fich pocha naiv, s'ho decis da lascher fer ün concept per pudair innaiver il trajet da loipa Zuoz-S-chanf. Las lavuors gnissan fattas insembel cun las lavuors da las OEE e Swissgrid, perque s'ho lascho offerir al büro d'indschegner Caprez SA da Zernez chi'd es già incumbenzo da las OEE/Swissgrid. Zieva animeda discussiun decida la suprastanza unanimamaing da lascher elavurer il concept d'innaiver a la firma indschegners Caprez SA e deliberescha il credit bsögnivel.

11 9.999 Varia

Il president orientescha, cha'ls 12 favrer 2016 ho lö a Zernez la radunanza da delegios da la corporaziun Energia Engiadina. Per nossa vschinauncha piglia part a la radunanza Duri Campell, Gian Andrea Bott e Liun Quadri.

Inavaunt orientescha'l, cha'ls 26 favrer 2016 ho lö la radunanza generela da las OEE a Scuol. Per nossa vschinauncha piglian part: Duri Campell, Gian Andrea Bott, Jnes Barblan e Liun Quadri.

Il president orientescha, cha la cumischiun da pumpiers Plaiv ho tschernieu ad el scu nouv president da la cumischiun.

Il depüto da scoula orientescha, ch'in connex cun la pedagogia sexuela es previs da mner tres il prüm üna saireda da genituors. Cha'ls cuosts totels per las lecziuns da pedagogia sexuela sun pü ots scu previs i'l preventiv.

A las 20.45 vain la tschanteda alveda.

In buna fè

L'actuar:

D. Schwenninger